

元代政書

元
代

史料刊
史叢
初編

泰山書社

元代政書

元
代
史料
叢刊
初編

黃山書社

問事

問金正官推問至元六年九月中書右三部奉中書省劄付御史臺呈該山東道提刑按察司申王文選告萬城縣官吏不公東平等處官司委令不係省部還轉無職人員置院推問公事擅自將人打拷被論人有祇受宣勅官員爲所委推問不係正官中間有不肯依理受招誣人數不推公事違錯引惹詞訟素煩官司不能結絕今後如有告論州縣官吏人等不公等事先取各人重甘執結文狀若有附近去處本管官司親爲理問如地里遠過事關人取須合委官推問本處摘官一員將領請俸司吏人等前往被論去處依理歸問如正官有關於附近縣官內選差廉幹正官將引請俸人吏勾當乞照驗事本臺參詳所申似爲

五二五

卷五十三

十一

相應省府准呈通行各路一體施行

人吏不得聞事大德六年三月行臺准御史臺咨該先准來咨浙東道申府州司縣刑名詞訟計囑陳訴行省并宜慰司已下衙門輒差令史宣使人等與各處一體禁治相應呈奉到中書省劄付都省議得刑名詞訟情犯多端若有必須委官追問事理合聽從公選差果有僥倖之徒計囑陳訴或官司不應受理及所委人員擅作威福事有偏徇理宜糾治除外仰照驗施行承此看詳刑名詞訟果有必須委官追問事理除朝省外各衙門輒差令史宣使人等宜與廉訪司書吏奏差一體禁止相應呈奉中書省劄付依已行事理施行

儒人詞訟有司聞皇慶元年二月江西廉訪司奉江南行臺劄付御史臺咨奉中書省劄付來呈江南行臺咨浙西廉

訪司申江浙等處儒學提舉司申杭州路鹽官州儒學狀
申至大四年二月十八日儒人沈麟孫吉伊弟沈壽四侵
占簷地等處移文鹽官州約問有鹽官州欺凌減視又不
依例約問徑直勾擾以此參詳儒人相干公事學官一同
約問乃天下通例今鹽官州故爲定例沮壞學校卑司參
詳儒人與民一體抄藉難同別藉僧道軍民戶今後合無
除干礙學校之事外其鬪訟戶婚等事若從有司歸結庶
不素煩緣係爲例事理本臺看詳如准浙西廉訪司所言
庶革素煩之弊准此看詳行臺所言儒學提舉教授等官
與有司約會歸問詞訟素煩不便事干通例宜從合干部
分定擬相應具呈照詳得此送據刑部呈照得至大四年
四月二十六日欽奉聖旨節該管和尚先生也里可溫答
失蠻白雲宗頭陀教等各處路府州縣裏有的他每的衙

五、七三

卷一百一十三

二

門都教革罷了拘收了印信者歸斷的勾當有呵管民官依體例歸斷者欽此除欽遵外今承見奉本部議得學校之設實風化之原人材所自也其師儒之官當以教養作成爲務在籍儒人果有違枉不公不法一切詞訟比例合從有司歸問相應具呈照詳都省仰照驗施行

皇慶元年三月二十九日福建省宣慰奉江浙行省札付准中書省咨至大 年十一月二十五日特

奉聖旨哈的大師只管他每掌教念經者回回人應有的刑名戶婚錢糧詞訟大小公事哈的每休問者交有司官依體例問者外頭設立來的衙門並委付來的人每革罷了者廢道聖旨了也欽此

延祐元年八月 日行臺札付准御史臺咨來咨浙西廉訪司申杭州路僧人崇圭告信寺主

姦占良婦非違不法與和尚相告不同兼錢塘縣吏吳壽之取受必須信寺主指證方問照得皇慶二年六月十七日欽奉聖旨節該管民官休管和尚者云全欽此看詳各寺住持頭目與本寺僧人互相言告非違不法並僧人干礙取受等事未審如何歸問咨請照詳准此呈奉中書省札付該送刑部議得各寺住持頭目與本寺僧人互相言告非違不法事理宜令鄰近寺院和尚頭目結絕若官吏取受於內干礙僧人過錢出錢必合歸到既係一連監察御史廉訪司依例追問相應具呈照詳都省仰依上施行

僧俗相爭

延祐五年三月初七日行中書省准中書省咨來

咨浙東道宣慰司都元帥府呈准浙東海右道肅政廉訪司牒今巡歷至臺州等路照刷本路合屬文卷於內僧俗相爭詞訟俱未結絕及已後續受相爭事理例該買驢院

五九

身重三十三

三

使與拘該行省宣慰司管民官一同歸結俱各立案擬候院官到日舉行今知得本官已行赴北經今一年之上因爲前例不能杜絕中間事理窒礙咨請照詳准此延祐四年十月十二日也先帖木兒怯薛第一日嘉禧殿有時分速古兒赤大慈都察里兒給事中不花帖木兒等有來兀伯都刺平章阿禮海牙平章郝釋鑑郎中哈刺多事等伯答沙丞相阿撒丞相俺眾人商量來江浙省備著浙東廉訪司文字俺根底與將文書來各處照刷文卷於內有僧俗相爭的詞訟俱未結絕管民官說稱問得等候宣政院買驢院使到來呵歸斷麼道立著文案有買驢回還一年有餘也說將來有俺交文卷裏照呵皇慶二年省官宣政院官一同商量了帝師根底聽過上位根底奏姦盜詐偽教傷人命但犯重刑管民官問者其餘和尚自其間不揀

甚麼相爭告的勾當有呵本寺裏住持的和尚頭目結絕者僧俗相爭田土不揀甚麼告的勾當有呵管民官與各寺裏住持的和尚頭目一處問者合問的勾當有呵於有司衙門裏聚會斷者和尚每的頭目約會不到呵管民官依體例斷者他每不揀是誰遲慢了勾當呵監察御史廉訪司官依例體察者麼道各處行了聖旨來俺商量來去年爲詞訟多了的上頭宣政院各處差官與管民官一同斷者麼道去了來不是守常的法度如今似這般和尚每不揀甚麼勾當有呵依著皇慶二年眾人商量定皇帝根底奏了行來的聖旨體例決斷者麼道行文書呵怎生奏呵卽般者麼道聖旨了也欽此都省除外咨請欽依施行

被罪終制究問

皇慶元年六月江西行省准中書省咨御史

臺備監察御史呈禮樂戶劉伯元告拱衛司庾令史禮部

五三三

身重五十三

三

貼書閔昌甫取受中統鈔五定四十四兩五錢庾令史中
統鈔一定除將閔昌甫依例減等咎決外庾令史遭值父
喪如候終制追問以厚人倫本臺看詳諸官吏被告取受
不公等罪或見行歸問勾喚未到遭值父母之喪丁憂者
若候終制追理別無所守通例具呈照詳送據刑部呈議
得勸忠惟孝弼教以刑二者之中詎容偏廢凡官吏取受
不公等罪雖已告發到官歸對未定或勾攝追問未完及
承伏未曾與決者不幸罹父母之喪合令依例奔赴丁憂
被告情犯終制究問其餘公罪矜恕爲宜如此不惟政教
休明庶見倫俗敦美若蒙准擬徧行照會相應具呈照詳
都省准擬咨請依上施行

原告

原告就被論聞至元六年十二月二十一日御史臺奉中書省札付來呈山東東西道提刑按察司申各州縣軍民相關詞訟合無依舊例原告就被論官司陳告等事省府相度鄰近州縣與本管司縣軍民戶計相關詞訟擬就被論官司歸對毋得
照驗施行

原告人在逃至元十年五月 日中書省准尚書省咨刑部呈節次奉到省判送據並諸人陳告事理行下本管官司歸對其原告人在逃遐邇不能結絕為此照得舊例諸人告罪官司鞠問是虛未經招伏在逃百日跟捕不獲者被告入召保知在品官即聽復職任滿日給解由求仕今照勘到各處申到原告人未經對證在逃已過百日跟捕不

三五三

典章五十三

五

獲有無照依舊例施行本省照得即係爲例之事咨請照
驗事都省爲此聞奏上位欽奉聖旨原告人若走了呵被
論人至一百日不生受那甚麼兩箇月尚遠或一個月或
四十日不見呵有勾當的便勾當去者這般走了的狀頭
並虛告論人的一兩箇教處死者欽此

被告

被問者御史臺奉中書省札大德元年四月初四日
奏過事內一件阿老瓦丁說各衙門裏行的官吏人有問
過被問的其間撿拾着見問的官吏告的人每有呵先乾
淨了他底勾當之後告者又告監察廉訪司官吏取受的
人每有呵依在先例赴御史臺裏告者看循呵別衙門裏
告者說有俺眾人商量來自被問的其間告見問的休告
者候乾淨了自己的勾當呵然後告者告監察廉訪司官
人每的上頭無有聖旨來則依先聖旨體例裏行呵怎生
聽讀過奏文呵奉聖旨您商量來的勾當每都是也依着
您這商量來的行者欽此

被問者御史臺大德三年八月御史臺據河南道廉訪司申

典章五十三 刑部十五

左

四三

卷之三

三

車秀於至元三十一年十二月二十七日告邳州官吏不公十二月二十八日本州官吏以貼書曹國政等告車秀毀罵州官憑彭城等指證取招枷項號今加重杖斷五十
七下身死前後情節中間羅織因而致傷人命今後凡言
告官吏不公之人所犯被告官吏並合迴避呈奉中書省
札送刑部議得邳州達魯花赤禿魯述失知州趙際既無
取到招伏欽遇詔恩別無定奪都省准擬議得凡言告官
吏不公之人所犯被告官吏理宜迴避仰照驗施行

首告

駐口首本使私鹽延祐二年三月十九日行省准中書省咨
刑部呈山東鹽運司申固提場司申弓兵楊義狀呈延祐
元年四月十一日探馬赤索郎古反駐口吳自當對義首
告有使索郎古反自煎熬私鹽鹽合用將上頭私鹽呈發
到官取訖索郎古反招伏不合煎熬私鹽入觔除食用外
有鹽二觔及取到首鹽人吳自當不合告使索郎古反招
伏卑司參詳駐口吳自當挾恨使索郎古反將依弟兄分
散及因打罵本人對固提場巡鹽弓手楊義處首告伊使
索郎古反揭刮減土煎熬私鹽除食用外有餘剩鹽二觔
楊義撥發到官合同自首原免若將吳自當不應首告本
使煎熬私鹽科斷本司不曾斷過此例誠恐差池申乞明

卷三八

身重三十三

三

降照得至大二年九月十一日欽奉詔恩內一款節該如有子證其父奴訐其主及妻妾弟姪干名犯義者一切禁止欽此本部參詳吳自當所招違別禁例不應告訐本使索郎古反掃刮滅土煎熬私鹽情罪其索郎古反合同自首原免吳自當所犯量情擬決七十七下分付伊使如蒙准呈以爲通例遵行照會相應具呈照詳都省咨請依上施行

領告文人造私酒大德七年十一月二十五日山東宣慰司

准中書刑部關承奉中書省判送本部呈山東宣慰司關濟寧路備碭山縣申王頭口告文人劉通醞造私酒取訖犯人劉通招狀其告人王頭口係劉通下財招到養老不出舍女婿承繼戶門與男無異宜同自首本部議得王頭口既係劉通下財招到養老女婿承繼戶門理同父子恩

義今乃王頭口棄滅人倫却行告訐劉通醜造私酒即非
重事合准本路所擬比同自首免罪據王頭口不
約量懲戒以厚風俗相應具呈照詳奉都堂鈞旨送刑
部依上施行